

建水州志卷之二

戶口

周禮小司寇掌邦國人民生齒悉登天府所以重民數固邦本也建舊國昉町有明移實中州巨族編布軍伍生族始蕃後疊罹寇難稽民數者按籍寥寥我

朝定鼎休養滋息幾百年久道化成生聚十倍於前林林總總者比戶可封矣若乃均事役而與庶功服田疇而型仁讓非司牧者責歟志戶口

建水州志

卷之二 戶口

原額及新編

民沐三千二百八十三丁

軍舍屯所土軍二千五百二十五丁

戶

八鄉

太和鄉

豐樂鄉

大晏鄉

小晏鄉

大曲鄉

小曲鄉

大瀘鄉

小瀘鄉

五所

前所

後所

中所

左所



右所

村寨州治東

龍家寨

葛衣村

羅家坡

南床舖

沙壩

楊家庄

回回村

南大寨

李家庄

大白廠

小白廠

宗家庄

楊柳壩

車家庄

右所

中所營

馬軍營

田家營

丁畸寨

阿芻寨

水塘寨

小馬王庄

老鼠鮓

阿達寨

木頭寨

施家寨

土軍寨

落水洞

建水州志

卷之二

村寨

二

獼猴寨

清水塘

蜜腊甸

馮家庄

洒溪革

吳節庄

甘龍井

平寨

梭羅庄

大樹寨

阿六寨

阿屋寨

新跔

白京寨

乍甸壩

羅科斯

阿新寨

大地

大山

河灣新寨

鬼柳寨

回龍寨

周家庄

譚家庄

州治西

欄頭坡

席家營

張家營

水打營

白家營

西湖

大樹

鷓鴣村

石灰窰 火燒寨 灣子寨 白水河

羊宗結 王家庄 松子園 木頭寨

馬軍營 宗家寨 小團山 大團山

大坡脚 小坡脚 馬坊 邵伍

奚伍 老義屯 馬厰 張八十寨

白冲 大小關 謝家灣 容所

鐵所 東者 馬路坑 甸魯

黑皮三寨 甸尾 龍潭寨 蘆子溝

湯伍 小曠野 高伍 阿瓦寨

建水州志

卷之二

村寨

三

高家營 小路屯 黃家營 徐家營

西山大寨 譚家庄 犬寨 孫伍

小寨 朱家寨 新寨 菓白

州治南

陳官屯 紅廟壩 曾家園 萬家營

黃家營 河灣 沙松橋 中屯

馬家寨 潘家寨 丁家庄 大橋

江家寨 蘿白甸 普雄 塔瓦

庄戶寨 養馬戶 阿白寺寨 甸頭寨

龍岔 莫黑 石關 甸頭寨

傅家寨 兩岔河 撒結子 帮崗箐

七棵樹 阿西村 李海寨 燒鍋寨

包家庄 徐家冲 車房 紙廠

爛泥箐 阿土寨 五邦 五邦水寨

五畝寨 石頭寨 確嘴寨 養牛寨

小寨 六呼 水塘 瓦遮

宗哈 上戛凸 下戛凸 關牙

苦笋寨 大石洞 六蓬 桃園

建水州志

卷之二

村寨

四

東瓜寨 猛丁 猛賴 猛梭

者米 把哈

州治北

葶羅冲 馬家冲 香木橋 沙冲

麥冲 西寨 水寨 中所

潘家營 松樹營 繆白山 老馬寨

團山 中營 高家營 蛇街子

右所 河溝 冏家坡 侯家箐

橋頭 獅子箐 破山 白家寨

小李寨 三寶營 大營 狗街子

歐旗營 高官營 沙壩 王官營

王胡營 熱水塘 館驛城 大寨

小寨 范竹溪 磨羊山寨 矣則特

匪坎 鹿子冲 核桃冲 李浩寨

里長營 中所 冷水溝 普龍寨

錢家灣 王保十寨 新寨 新房

高家庄 鄒家營 蘆柴冲 蕭家冲

高寨 葉官冲 江官營 獅子口

建水州志

卷之二

村寨

五

碗窰 瓦窰 左所 右所

後所 趙家庄

種人

猓獠 獞狹 窩泥 拇鷄

撲喇 沙人 土獠 儂人

白人

諸彝或生長山寨或雜居城市性情言語服

食不與華同近沾德化頗知向善

物產

天不愛道地不愛寶故河洛呈醴芝之產焉但聖王不貴異物賤用物故奇技淫巧之屬概置不道取其有功服用者詩不云乎民之質矣日用飲食作物產志

稻 紅稻 白稻 黃稻 香稻

糯稻 早稻 香糯 黏糯

柳條糯

梁 飯梁 糯梁

建水州志 卷之二 物產

豆 黃豆 白豆 紅豆 飯豆

菘豆 豌豆 青豆 鼠豆

蠶豆 刀豆 褐豆 豇豆

靴豆 方豆 寸金豆 四季豆

麥 大麥 小麥 燕麥

黍 黃黍 白黍 紅黍

稷 黃稷 紅稷 黑稷

菽 甜菽 苦菽

蔬 薑 芥 韭 葱 蒜 薤

蕨菜 芹菜 茄 芋 瓠 青菜

白菜 苧 薊 苧蒿 蕪菜 辣菜 笋

豆菜 龍鬚菜 菠稜菜 紅白黃蘿蔔

窩苳 春不老 羊奶菜 樹頭菜

瓜 王瓜 菜瓜 西瓜 冬瓜 絲瓜 苦瓜

南瓜 金瓜 香瓜 八稜瓜

菌 香蕈 木耳 白森 黃凍菌 青頭菌

雞墘 出蒙自者佳 鷄冠菌 雷打菌

果 梅子 杏子 李子 桃實 橘子 柑子

建水州志 **卷之二** 物產 七

橙子 柿子 梨子 石榴 葡萄 櫻桃

胡桃 蓮子 松子 楊梅 橄欖 木瓜

花紅 棗子 山查 錐栗 栗子 荔枝

藕 菱 荸薺 茨菇 茭瓜

花 牡丹 芍藥 蓮花 茶花 蘭蕙 葵花

萱花 菊花 玉簪花 匾竹蘭 石竹花

十樣錦 剪紅蘿 鳳仙花 鷄冠花

夜落金錢 鬘粟花 蝶戲珠 珍珠佩

木犀花 紫荊花 梔子花 玉堂春

月月紅 郁李花 茶蘼花 薔薇花

木槿花 石榴花 碧桃花 絳桃花

地擁金蓮 茉莉花 報春花 紫薇花

迎春柳 素馨花 木香花 四季花

芙蓉花 海棠花 杜鵑花 玫瑰花

虞美人 粉團花 水仙花 鳳尾花

西番蓮 丁香花 夾竹花 吉祥草

木椿 松 柏 槐 楊 柳

桑 杉 紫榆 夜合 萬年青

建水州志 卷之二 物產 八

楮 栗

竹 紫竹 刺竹 荊竹 滑竹 鳳尾竹

淡竹 大圓竹

香 勝沉香 降真香 青皮香 清淨香

青香 紅香

藥 茯苓 沙參 當歸 桔梗 何首烏

百部 黃芩 枳實 荊芥 天門冬

半夏 白芨 枳殼 葛根 麥門冬

前胡 陳皮 木賊 木通 黑牽牛

扶神 紫參 勾藤 常山 茨蒺藜

南星 草薺 黃精 香附 史君子

木瓜 覆盆 防風 地榆 天花粉

黃芪 枸杞 紅花 白芷 五加皮

山藥 苦參 羌活 獨活 金銀花

杜仲 桑椹 澤蘭 排草 夏枯草

菴蓂 香薷 升麻 石膏 重樓

薏苡仁 益母草 龍膽草 穀精草

車前子 牛蒡子 桑白皮 瓜蒌仁

建水州志 卷之二 物產 九

盧甘石 蜜蒙花

禽 鷄 鵝 鴨 鵪 鳩 鸚 鵲

鷓鴣 畫眉 布穀 燕 鶯 鵲

鷺 雉 白鵬 鷓鴣 鴉 鴟

孔雀 百舌 子規 黃雀 啄木冠

黃鴨 黃鸝 竹雞 練雀 白頭翁

青鷗 鷓鴣 鸚鵡 瓦雀 箐鷄

錦鷄 鳩鴿 鴿 鳧

獸 牛 羊 馬 驢 騾 犬

猪 鼠 狐 猿 猴 豺

鹿 猫 獐 兔 獺 豹

鹿 熊 豪猪

魚 鯉 鯽 鮎魚 白魚 細鱗魚

鳅 鮭 蟹 鱈魚 鰕 鱉

貨物青靛 楮皮 黃蠟 氈衫 莎羅布

白布 火麻 綿花 紫土 攀枝花

紙 白土 瓦器 黃酒 石灰

莫黑茶 藕粉 白糖 檳榔

建水州志 卷之二 物產

蘆子 芝蔴

賦役

禹貢九州則壤三錯而磽瘠惟梁滇梁界也厥田下上厥賦下中建又僻處一隅其山川原隰高下悉勤耕鑿固已地無遺利而廣種薄收急公贍族復取給焉念我人斯亦孔之瘁矣今聖天子嘉惠元元減糧蠲賦疊荷

殊恩安作息而歌帝力此其時哉若夫地丁之歸併經費之有規班班可考他如鹺政又日用所必需者併記之以志賦役

建水州志

卷之二

賦役

十一

民賦

原額民賦并沐氏勳莊荒熟田地共一千五百八十八頃四十二畝七分八釐五毫九絲五忽一纖七塵四渺

實徵夏稅正耗京斗麥二百五十九石三斗九升九合九勺七抄二撮七圭一粒六粟
折徵正米一百八十五石二斗八升五合六勺九抄四撮七圭九粒三顆三粟

實徵民沐竝節年開墾共秋糧正耗京斗米二

千二百七十七石九斗四升四合七勺二抄
六撮七圭七粒三顆一粟

二共秋糧夏稅正耗京斗米二千四百六
十三石二斗一升四勺二抄一撮三圭
六粒六顆四粟

實徵民沐竝節年開墾共銀二千三百三十三
兩七錢九分七釐九毫九絲五忽一微九纖
九塵九渺九漠

原徵民沐人丁三千二百八十三丁徵銀一兩

建水州志

卷之二

賦役

三

三十一兩五錢雍正四年奉文丁歸糧除攤
歸各府州縣徵補起解銀三百三十七兩六
分三釐八毫六絲九微三塵五渺六漠外每
稅秋糧一石攤徵銀三錢零八釐該實徵攤
丁銀六百九十四兩四錢三分六釐一毫三
絲九忽九纖六塵四渺四漠

實徵房租銀二錢五分二釐

實徵地租銀一十兩伍錢

實徵田租銀八錢二分

實徵乍甸均徭銀二十兩

實徵五畝差發銀一百兩

實徵猛丁猛喇籽粒銀四百兩

以上共銀三千五百五十九兩八錢六釐

一毫三絲四忽二微九纖六塵四渺一

漠

實徵叅將年例各物變價銀二百三十四兩四

錢一分八釐四毫二絲

此年例在條丁之外報解

課程

建水州志

卷之二

賦役

三

實徵窰課不計閏銀二兩一錢四分一釐

實徵曲江街稅銀二十五兩 遇閏加銀二兩

八分三釐三毫

實徵乍甸街稅銀七兩 遇閏加銀五錢八分

三釐

田房稅契向用藩司契尾雍正六年易以契照

有活契杜契之別無定額按季彙解

屯賦

原額舊裁附徵臨安衛新併新安所屯賦荒熟

共田地二百四十五頃三十三畝八分二釐
八毫一絲五忽

實徵夏稅本折麥一百四十二石三升七合一
勺六抄二撮三粒六顆折正耗米一百一石
四斗七升四合七勺五抄一撮六圭六粒一
粟

實徵新舊裁併屯賦秋糧穀蕎折米併節年開
墾共正耗京斗米一千七百六十八石一斗
六升一合二勺七抄一撮九圭六粒四顆六

建水州志

卷之二 賦役

四

粟

二共秋糧夏稅正耗京斗米一千八百六
十九石六斗三升六合二抄三撮六圭
二粒四顆七粟

實徵屯賦條編竝節年開墾等項銀一千一百
九十八兩三錢二分九釐六絲九忽二微四
纖八塵六渺六漠

原額軍舍屯所土軍人丁二千五百二十五丁
徵銀一千二百六十三兩六錢二分

雍正五年知州祝宏勸民開墾原荒屯賦上則
田六十二頃三十八畝一分一釐該糧折條
編共銀七百四十七兩一錢六釐二絲七忽
九纖九塵五渺一漠

六年勸民開墾民賦下則田六十一頃五畝五
分該糧折條編銀二百二十四兩六錢九分
七毫五絲一微五纖二塵二渺五漠二項共
攤去軍丁銀九百七十一兩七錢九分六釐
七毫七絲七忽二微五纖一塵七渺六漠外

建水州志

卷之二

賦役

五

仍徵屯丁銀二百九十一兩八錢二分三釐
二毫二絲二忽七微四纖八塵二渺四漠

以上屯賦條丁銀二千四百六十八兩一
錢二分九釐六絲九忽二微四纖八塵六

渺六漠

以上民屯條丁等欸共銀六千二十七兩九
錢三分五釐二毫三忽五微四纖五塵七

渺

八年知州祝宏勸民開墾民賦下則田一十三

頃一十八畝三分七釐其徵秋糧二十七石九斗二升二合七抄六撮六圭條編銀二十七兩六錢九分七釐五微九纖二塵五渺九漠一起運

布政司庫銀四千四百五十五兩三錢三分五釐二毫三忽五微四纖五塵七漠

一存留支放官役俸工鞭春祭祀等欸銀一千九百五十六兩二錢

一本折

建水州志

卷之二 賦役

六

額徵夏稅秋糧本折麥米存貯州倉支放兵餉經費

一存留俸工項下

本府知府全年俸銀二百五兩門皂等役五十七名每名年支工食銀六兩共銀三百四十二兩
雍正七年添設防護長隨四十名每名年支工食銀六兩共銀二百四十兩三項共支銀六百八十七兩

本府同知全年俸銀八十兩門皂等役二十五

名每名年支工食銀六兩共銀一百五十兩
雍正七年添設防護長隨二十五名每名年
支工食銀六兩共銀一百五十兩三項共支
銀三百八十兩

經歷一員全年俸銀四十兩門皂等役六名每
名年支工食銀六兩共銀三十六兩二項共
支銀七十六兩

本府儒學教授訓導二官合食一俸全年俸銀
三十一兩五錢二分喂馬草料銀一十二兩

建水州志

卷之二

經費

七

齋膳等役六名每名年支工食銀六兩共銀
三十六兩三項共支銀七十九兩五錢二分
本府儒學廩生四十名每名年支餼糧銀二兩
四錢共支銀九十六兩

司獄一員全年俸銀三十一兩五錢二分皂役
二名每名年支工食銀六兩共銀一十二兩
二項共支銀四十三兩五錢二分

本州知州全年俸銀八十兩門皂壯丁等役七
十一名每名年支工食銀六兩共銀四百二

十六兩三項共銀五百六兩

儒學學正訓導二官合食一俸全年俸銀三十

一兩五錢二分喂馬草料銀一十二兩齋膳

等役六名每名年支工食銀六兩共銀三十

六兩三項共支銀七十九兩五錢二分

儒學廩生三十名每名年支餼糧銀二兩四錢

共支銀七十二兩

吏目一員全年俸銀三十一兩五錢二分門皂

等役六名每名年支工食銀六兩共銀三十

建水州志

卷之二

經費

六

六兩二項共支銀六十七兩五錢二分雍正

七年添設防護長隨四名每名年支工食銀

六兩共銀二十四兩三項共支銀九十一兩

五錢二分

巡檢一員全年俸銀三十一兩五錢二分皂隸

二名每名年支工食銀六兩共銀一十二兩

二項共支銀四十三兩五錢二分雍正七年

添設防護長隨四名每名年支工食銀六兩

共銀二十四兩三項共支銀六十七兩五錢

二分

一支給項下

府前等一十一舖舖司兵四十四名每名年支

工食銀三兩六錢共支銀一百五十八兩四

錢

鞭春每年支銀五兩

春秋二大祭每年支銀四十兩

三七十月厲祭每年支銀六兩

表箋每年支銀六兩二錢

奉裁

建水州志

卷之二

經費

十九

鹽法

州境歷來食琅井鹽

附帮貢田

坐落石屏州螞蝗灣明崇禎年間臨建

二學廩生及建水之餼元江者各捐廩

俸銀公置此田帮貢生赴京盤費丁亥

流賊屠城出貢無人被人乾沒

本朝康熙三十年三月內三學齋廩生

士俊侯晉等同前收田租貢生康允晉

報府蒙本府朱公諱翰春審明批儒學

會同元建儒學三庠廩生臨田踏明造

有田畝坵段田形四至并戶人民册存

案復行石屏州除將錢糧分清畫一詳

批令諸生照民田逐畝輸科納石屏州

左官田糧名白新民科糧二石八斗五

升條銀一兩八錢五分五釐實租五十

石除納糧條外三庠應貢廩生均分或

臨庠應貢不係本地者元建應貢者均分元庠應貢不係本地者臨建均分建庠不應貢之年臨元均分或遇恩例亦同均分田曰帮貢明非貢不得與也此貢田定例永宜世守以無負前賢盛舉云

椿柞田

在城南象冲河旁萬曆四年兵備副使許宗鑑置備修河之用年收市斗穀三十石後歸府署為各役飯食雍正七年知府張無咎清出歸州永辦椿柞士民頌之該田糧一石四斗三升條編攤丁銀一兩八錢二分八釐

義田

舊紳士釀資置買以振孤獨置倉有五丁亥之變田租無收本朝定鼎百務修舉知州李瀕吏目王命新郡人劉彪清畝徵租重修義倉於燃燈寺每於歲暮荒月二次散給孤寡各沾實惠記載藝文

建水州志

卷之二

附帮貢田

三

北義田

舊制兵燬雍正四年郡人沈聯元鄒解鄒崧與同里士民捐置田租建倉於曾庵寺每歲暮荒月或米或布散給里中貧困有喪不能舉者埝助之知州祝宏

撰記

曲江義田

先是曲江紳士馬聯雲白玉琛購置矣特則田畝馬預易施俾白山田租以為義田隨為人所構矣特則田遂歸府城而曲江窮民竟無所仰散給每苦不能遍聯雲復將所買中營襍伍軍田並耳扎寨田施入合曲紳士輪流經營每於年終散給又建義倉三間於曲江城內知州祝宏題其額曰曲江義倉復為之記

風俗

記曰一道德以同俗故風移於上俗成於下治安之效也建僻南服民風樸畧有明置衛興學其俗比於中州我

朝

列聖相承疊下

綸音聲教無遠弗留固已家習詩書人敦禮樂不既煥乎文明哉第踵繫尚簡不能不牽於習則安耕鑿而興仁讓俾成一道同風之盛固有司

建水州志

卷之二

風俗

三

責也志風俗

士秀而文崇尚氣節民專稼穡衣冠禮度與中

州埒

舊志

號詩書郡

元志

人多畏法少有不平寧棄

不爭多愛清雅敬老崇文

郡志

婚禮近古

舊志

俗喜

向學士子講習惟勤人材蔚起科第盛於諸郡

郡志

元旦

稱祝祀神祇祖先畢往來賀歲

立春

祀祖置辛盤春酒邀親友共飲

元夕

張燈爆竹火樹盛於市次夕老幼有攜遊星橋
沿爲祛疾之習

二月士夫率農民祭八蜡祠祈年

清明日

戶插柳省墓閭郡士民祭北徹義塚具猪羊酒
果其西北三處以牲醴分祭祭品皆出義田

四月八日里中作浴佛會

建水州志

卷之二

風俗

三

端午日

泛菖蒲飲雄黃酒小兒繫續命縷相饋角黍

六月朔日至六日里中禮斗祈年

中甸管義倉紳士請於府州散給倉米於通郡鰥
寡窮民

二十五日爲星回節街衢燃松炬釀飲村落列炬
插田設牲醴祈歲

七夕女子穿針設瓜醅脯祭天孫女乞巧

中元前二日設酒饌瓜果祀祖先於宗祠或焚冥

衣楮鏹

中秋設果餅祭月

九月朔日至九日里中禮斗祈年

重九飲菊花酒插萸登高野讌

十月士夫農民祭八蜡祠報賽

舊各鄉里有鄉社里中於社日祭五

土穀之神祈年報賽即鄉蜡祭鄉先生之歿而可祭者附焉并於此講約申令重典也廢於兵火僅華嚴寺八蜡一祠存而不備宜復其制

十五日祭老鶯樹義塚分祭三處儀同清明

長至日拜賀相餽糒餌

建水州志

卷之二

風俗

三

臘八日作五味粥食

下旬管義倉紳士請於府州協散倉米鹽柴給通

郡鰥寡窮民

二十四日掃舍宇暮設果構飴糖祀竈

除夕更桃符門神互餽儀無老幼懽飲爆竹辟邪

圍爐守歲四更迎竈

冠行三加禮男女冠笄告於祖祠速賓示以成

人之道禮畢命字見於祖祠惟士夫行之

婚遵行六禮男家先求女庚通媒妁請親友之

尊貴者致意既諾則二姓具啓相酬拜行聘將
娶則請期納幣而後親迎儀物豐儉各稱其力
喪 自殯殮至葬一準紫陽家禮不作佛事惟燕
客酬贈糜費甚多今士夫議從簡實而習俗既
久有難驟變者

祭 士夫立神主置祠堂四時致祭隨力豐儉必
竭其誠墓祭惟春秋丁祭以後合一族人祭之
其餘省墓不拘時

建水州志

卷之二

風俗

二

